



## RELATÓRIU DESKOBREMENTU IMPLEMENTASAUN FUNDU AGREGADU FAMILIAR IHA ÃMBITU PREVENSAUN COVID-19



DIRESAUN PREVENSAUN NO SENSIBILIZASAUN  
TINAN 2020

## ÍNDISE

Kover	
Índise.....	i
Lista Tabela.....	ii
Akrónimu .....	iii

## Relatóriu Deskobrentu Implementasaun Fundu Agregadu Familiar Iha Ámbitu Prevensaun Covid-19 .....

<b>Ámbitu Prevensaun Covid-19 .....</b>	<b>1</b>
I. Introdusaun 1 .....	1
II. Objetivu .....	1
III. Metodolojia .....	1
IV. Fatin Kobertura no Limitasaun Sira .....	2
V. Deskobrentu Sira .....	2
1. Potensia risku ka infrasaun sira iha prosesu pagamentu .....	2
2. Inkumprimentu ba regra sira kona-ba protokolu distansiamentu sosial & fiziku, fase liman no uza maskara .....	3
VI. Observasaun Jerál .....	9
VII. Dezafiu sira .....	10
VIII. Pratika diak sira .....	10
IX. Rekomendasaun .....	11

TABELA

Tabela: 1. Benefisiáriu sira ne'ebé ekipa observador sira konsege trava/kansela pagamentu .....4  
Tabela: 2. Benefisiáriu sira ne'ebé ekipa la konsege trava/kansela pagamentu .....8

## Lista akrónimu

AJAR:	: Asian Justice and Human Rights
AEML	: Asosiasaun Estudante Munisípiu Liquiça
CAC	: Comissão Anti-Corrupção
CFP	: Komisaun Funsau Públika
COVID-19	: Coronavirus-19
DL	: Dekretu Lei
DM	: Diploma Ministeriál
EE-(3)	: Estadu Emerjensia (Datoluk)
FAF	: Fundu Agregadu Familiar
FONGTIL	: Forum Organizasaun Naun-Governamentál Timor-Leste
IGE	: Inspetor Geral Estadu
JSMP	: Judicial System Monitoring Program
KFM	: Klibur Foinsae Humanitariu
KNJML	: Konsellu Nasionál Juventude Munisípiu Liquiça
MAE	: Ministériu Administrasaun Estatál
MF	: Ministériu Finansas
MSSI	: Ministériu Solidaridade Sosial no Inkluzau
PDHJ	: Provedor Direitus Humanus no Justisa
RAEOA	: Rejiaun Administrativa Espesial Oecusse-Ambeno
SERVE, IP	: Serviço de Registo e Verificação Impresarial, <i>Impresa Público</i>

# RELATÓRIU DESKOBREMENTU IMPLEMENTASAUN FUNDU AGREGADU FAMILIAR IHA ÁMBITU PREVENSAUN COVID-19

## I. Introdusaun

Comissão Anti-Corrupção (CAC), nu'udár instituisaun independente ne'ebé hala'o nia knaar atu prevene no kombat krime korrupsaun tuir mandatu ne'ebé hatur ona iha Lei Nú. 8/2009 kona-ba Kriasaun CAC.

Iha artigu 5<sup>o</sup> Lei Kriasaun CAC, define katak Komisaun iha kompeténsia atu halibur (rekolla) no análise informasaun hirak ne'ebé relasionadu ho kauza sira ba korrupsaun no prevensaun ba korrupsaun, fó-hanoin (akonsella) ba kualker instituisaun ka entidade públika kona-ba oinsa prevene no luta hasoru hahalok korrupsaun.

Bazeia ba kompeténsia ne'ebé lei atribui, nune'e atu responde ba politika governu nian relaciona ho apoiu (subsidiu) monetáriu agregadu familiar tuir Dekretu Lei Nu. 15/2020, 30 de Abril, CAC dezenvolve planu no estratejia hodi halo kordenasaun ho instituisaun relevante sira atu akompaña ezekusaun ba fundu agregadu familiar iha âmbito prevensaun ba surtu ka pandemia Covid-19.

Iha ambitu prevensaun nian, CAC realiza atividade akompañamentu ne'e liuhusi servisu kordenasaun hamutuk ho Provedor Direitus Humanus no Justisa (PDHJ), Inspesaun Jerál Estadu (IGE) no Komisaun Funsau Públika (CFP). Aleinde ne'e, CAC mós hetan apoiu no kordenasaun ho organizasaun sosiedade sivil sira hanesan FONGTIL, JSMP, nomós Estudante no Ativista Direitus Umanus husi AJAR (Asian Justice and Human Rights) inklui organizasaun joventude sira hanesan: Asoiasaun Estudante Munisípiu Liquiça, Klibur Foinsae Humanitariu (KFH), no Konsellu Nasional Juventude Munisípiu Liquiça.

Relatoriu ida-ne'e brevemente atu informa no relata rezultadu deskobrementu sira ne'ebé ekipa observador sira hetan iha terrenu, hahú iha loron 09-30 Juñu 2020 ba munisípiu 8 no akompañamentu iha RAEOA, husi loron 02-15 Jullu 2020.

## II. Objetivu

1. Asegura fundu prevensaun ba covid-19 no apoiu agregadu familiar ezekuta tuir lei no prosedimentu relevante sira ne'ebé lei estabese;
2. Detekta iregularidade no potencia risku ba mal-jestaun, abuzu poder, kobransa ilegal no krime relevante sira iha domíniu korrupsaun nian durante implementasaun subsidiu agregadu familia iha terenu;
3. Rekomenda ba entidade competente atu hadiak jestaun no verifikasaun sistema baze-dedadus agregadu familiar hodi kontribui ba melloramentu sistema atendentu públiku iha futuru.

## III. Metodolojia

Metodolojia ne'ebé utiliza iha prosesu akompañamentu ba programa pagamentu subsidiu agregadu familiar ne'e mak aplika analiza kualitativu ho nia faze implementasaun sira mak hanesan:

- Rekolla informasaun relevante no nesesariu sira husi Ministériu no instituisaun estadu relevante sira;
- Prepara no dezenvolve formatu observasaun ne'ebé deskreve ona asuntu sira iha prosesu agregadu familiar; no
- Halo observasaun direita iha terrenu, verifika lista benefisiáriu sira, entrevista ho autoridade kompetente no pesoal benefisiáriu ne'ebé identifikadu iha terrenu.

#### IV. Fatin kobertura no limitasaun sira

Tanba limitasaun rekursu (rekursu umanus no finansieru), atividade akompañamentu no monitorizasaun ba programa subsidiu agregadu familiar ne'e kobre deit ba munisípiu balun. Munisípiu hirak ne'e mak hanesan: Munisípiu Ermera, Aileu, Liquica, Manatuto, Baucau, Bobonaro, Dili, Lautem, no RAEOA.

Entertantu, detalla atividade monitorizasaun hirak-ne'e ninia aréa kobertura sira mak hanesan; iha Munisípiu Ermera kobre suku 22, iha Manatuto kobre suku 21, Liquiça kobre suku 14, Aileu kobre suku 21, Baucau kobre suku 3, Lautem kobre suku 14, Bobonaro kobre suku 20, Dili kobre suku 8 no RAEOA kobre suku 18. Totál area kobertura ne'ebé ekipa CAC halo akompañamentu no observasaun ba pagamentu subsidiu agregadu familiar iha nivel suku, hamutuk suku 141 husi totál suku 452 iha nivel territoria nasionál.

#### V. Deskobrementu sira

Deskobrementu ne'e sei koloka ba aspeito rua; ida kona-ba risku potensial sira ba infrasaun ka inkomprimentu ba lei no ida-seluk kona-ba inkumprimentu ba regra medidas ezekusaun EE-3 hanesan distansiamentu sosial & fiziku, fase liman no uza maskara.

##### 1. Potensia risku ka infrasaun sira iha prosesu pagamentu

Dekretu Lei nu.15/2020 de Abril, estebelese ona kriteria no rekeztus ba benefisiáriu sira ne'ebé elejivel atu asesu ba apoiu agregadu familiar, inklui prazu limite ba rejistu nu'udar benefisiáriu no representasaun iha kazu ne'ebé xefe família iha auzensia. Maibé iha terrenu, ekipa observa akontese iregularidade no infrasaun seriu tanba konfuzoan oioin kona-ba interpretasaun ida-ne'ebé loloos ba provizaun relevante ba benefisiáriu sira, no problema seriu kona-ba fallansu sira iha jestaun no verifikasaun baze-de-dadus husi Ministériu Administrasaun Estatál (MAE) no Ministériu Solidaridade Sosial no Inkluzoan (MSSI) kona-ba uma-kain no Ministériu Finanzas (MF) kona-ba funsionáriu sira ne'ebé ne'ebé nia rendimentu superior husi US\$500. Kestaun sentráal ne'ebé ekipa sira deskobre mak prosesu verifikasaun baze-de-dadus husi MAE no MSSI ne'ebé rezultadu problema sira hanesan tuirmai:

- 1) Benefisiáriu sira nia naran dobru iha fatin ida (sentru pagamentu ida) no lista nu'udar benefisiáriu mosu entre fatin ka suku ida ho suku seluk (naran sai iha fatin rua);
- 2) Iha indisius forte katak iha joventude barak mak rejistu nu'udar benefisiáriu hodi asesu ba subsidiu agregadu familiar, maske sira la priense rekizitu nu'udar agregadu família ka uma-kain.
- 3) Iha dadus no prova katak benefisiáriu sira ho saláriu/rendimentu mensal aas-liu US\$500.00 maibé sira mós naran sai iha lista aprovalu hodi asesu ba fundu apoiu agregadu familiar ne'e;
- 4) Benefisiáriu balun laiha ka la hatudu dokumentu komprovativu tuir lei haruka, maibé autoridade lokál no komunitaria sira fasilita deklarasaun atu permite benefisiáriu hirak ne'e asesu ba apoiu agregadu familiar ne'e;

- 5) Iha impesaun no indísius katak autoridade lokál no komunitaria sira permite joventude sira livremente rejistu nu'udar benefisiáriu tanba la iha prosesu verifikasaun ida rigoroza husi MAE no MSSI;
- 6) Iha autoridade lokál balun prefere atu la-foti risku hodi trava joventude sira ne'ebé insisti atu asesu apoiu agregadu familiar maske sira la priense rekizitus tanba erru no fallansu kona-ba dadus verifikasaun ne'ebé mai husi MAE no MSSI.
- 7) Iha suku balun hatudu indísius ba falsifikasaun dadus agregadus familiar exesivamente atu fasilita sira ninia populasaun asesu ba agregadu familiar; purzemplu ida iha tinan 2019; dadus total uma-kain maisumenus atus-sia resin (900 resin), maibé iha tinan 2020 númeru ne'e sae ba rihun-haat resin (4.000 resin). Nune'e mós iha benefisiáriu balun ne'ebé naran la rejista iha sistema baze-de-dadus desde inisiu, la iha dokumentu komprobativu, maibé autoridade lokál no komunitaria sira halo kualker maneira atu fasilita benefisiáriu hirak ne'e hodi asesu ba subsidiu ne'e.
- 8) Iha benefisiáriu sira balun nu'udar feen ho laen maibé sira rejista iha fatin ketak-ketak; atu asesu ba subsidiu doubru (dala rua) maske sira mantein nu'udar família ida.

## **2. Inkumprimentu ba regra sira kona-ba protokolu distansiamentu sosial & fiziku, fase liman no uza maskara.**

Durante hala'o observasaun ba prosesu pagamentu subsidiu agregadu familiar ne'e, ekipa observador sira mós identifika kestaun sira kona-ba inkumprimentu ba protokolu distansiamentu sosial nu'udar parte integrante ida husi aplikasaun estadu emerjensia. Iha kontestu ida-ne'e, ekipa sira deskobre asuntu sira tuirmai ne'e:

- 1) Kuaze iha fatin ka sentru pagamentu (sede suku/aldea) sira balun, benefisiáriu sira la kumpri regras EE datoluk kona-ba distansiamentu sosial; liuliu iha formatura sira antes tama ba sentru pagamentu. Mesmu nune'e ekipa observa katak kolokasaun/konfigurasaun fatin ba pagamentu sira hanesan kadeira tur-fatin estabelese tuir protokolu distansiamentu sosial;
- 2) Kuaze iha fatin barak, (la'os hotu-hotu) estabese fatin ba fase liman hanesan bee no sabaun faseliman molok tama ba fatin/sentru pagamentu no depoisde pagamentu;
- 3) Maioria benefisiáriu sira la uja maskra iha tempu sira ba forma hodi simu subsidiu agregasaun familiar ne'e;
- 4) Ekipa observador sira deskobre katak la hare profesional saúde sira destaka iha sentru/fatin pagamentu sira atu introdus protokolu prevensaun Covid-19 no protokolu distansiamentu sosial ba benefisiáriu/komunidade;
- 5) Ekipa mós deskobre katak iha fatin balun la kumpri ba oras pagamentu nian ne'ebé estabelese ona no balun seluk atraza tiha loron ida ka rua, no balun sei halo pagamentu to'o kalan ka liuhusi oras ne'ebé lei defini ona.

Tabela tuirmai agrupa/koloka rezultadu deskobremetu ba infrasaun sira ne'ebé akontese durante pagamentu iha kada munisípiu sira no atuaun/intervensaun ekipa observador sira nian.

**Tabela 1: Benefisiáriu sira ne'ebé ekipa observador sira konsege trava/kansela pagamantu**

Nu.	Munisípiu	Deskobrementu ba faktu sira	Totál	Observasaun
1	<b>ERMERA:</b> <ul style="list-style-type: none"> <li>▪ Railaco,</li> <li>▪ Ermera</li> <li>▪ Letefoho</li> <li>▪ Hatolia</li> </ul>	Benefisiáriu ne'ebé naran mosu iha fatin rua	17	Tuir DL 15/20, 30 de Abril, uma-kain ida iha direitu simu subsidiu dala ida deit husi ema ida.
		Benefisiáriu ne'ebé lista naran mosu dobru iha sentru pagamentu fatin/suku ida	8	Lista benefisiáriu sira mosu dobru iha suku ka aldeia ida
		Joventude sira ne'ebé la elejível tanba la priense rekizitus tuir lei	44	Tuir DL 15/20, 30 Abril no DM 49/2017, 15 de Juñu, benefisiáriu sira mak pesoal ka individu sira ne'ebé forma ona familia ka uma-kain.
		Funionáriu públiku ho rendimentu mensal superior husi US\$500.	48	Ekipa identifika benefisiáriu sira naran aprovalu iha lista pagamentu no depois halo verifikasaun ekipa kansela imediata benefisiáriu hirak-ne'e.
	Totál Suku: 22			
2	<b>MANATUTO:</b> <ul style="list-style-type: none"> <li>▪ Manatuto-Vila</li> <li>▪ Laklo,</li> <li>▪ Natarbora</li> <li>▪ Laleia,</li> <li>▪ Vemasse</li> <li>▪ Soibada</li> </ul>	Funionáriu públiku ho rendimentu mensal superior husi US\$500.	63	Ekipa kansela benefisiáriu balun seluk sira rasik la mai simu, tanba iha ona intervensaun husi CAC
		Benefisiáriu lista dobru iha fatin (suku) ida	120	Ekipa kordena ho autoridade lokál no MSSI hodi kansela benefisiáriu hirak-ne'e.
		Benefisiáriu ne'ebé naran mosu iha fatin seluk no simu tiha ona.	1	Ekipa kordena ho autoridade lokál no ekipa MSSI hodi devolve fali osan ne'ebé benefisiáriu simu liutiha ona.
	Totál Suku: 21			
3	<b>LIQUICA:</b> <ul style="list-style-type: none"> <li>▪ Liquica Vila</li> <li>▪ Bazartete</li> <li>▪ Maubara</li> </ul>	Funionáriu públiku ho rendimentu mensal superior husi US\$500.	90	Ekipa halo kordenasaun no fó xamada atensaun ba autoridade lokál no ekipa pagamentu sira atu kansela pagamentu ba sira.
				Ekipa kordena no kansela benefisiáriu hirak ne'e hamutuk ho autoridade lokál/ekipa MSSI.
		Benefisiáriu sira iha lista dobru iha fatin (suku) hanesan	10	Ekipa identifika no kordena ekipa MSSI no autoridade suku atu kansela pagamentu ba sira
		Benefisiáriu iha lista dobru iha fatin (suku) rua	8	Ekipa kordena ho ekipa MSSI no autoridade lokál hodi



	Totál Suku: 14			kansela pagamentu ba iha fatin seluk ne'ebe naran sai iha lista aprovadu.
4	AILEU : <ul style="list-style-type: none"> <li>▪ Aileu Vila</li> <li>▪ Remexi</li> <li>▪ Liquido</li> <li>▪ Laulara</li> </ul>	Funسیونáriu públiku ho rendimentu superior husi US\$500	14	Ekipa konsege kansela ka impede pagamentu ba funسیونáriu sira iha fatin/sentru pagamentu.
	Totál Suku: 21			
	LAUTEM: <ul style="list-style-type: none"> <li>▪ Lautem,</li> <li>▪ Lospalos,</li> <li>▪ Iliomar,</li> <li>▪ Luro</li> </ul>	Funسیونáriu públiku ho rendimentu mensal superior husi US\$500.	1	Ekipa identifika no kordena ho autoridade lokál hodi kansela kedas benefisiáriu ne'e.
	Suku : 14	Benefisiáriu ne'ebé simu ona subsidiu maibé deklarada no devolve fali osan ne'ebé nia simu.	1	Benefisiáriu simu tiha osan maibé depois hare avizu/informasaun husi CAC iha televizaun no kontaktu CAC hodi devolve fali osan ba ekipa MSSSI no autoridade lokál.
6	DILI: <ul style="list-style-type: none"> <li>▪ Dom Aleixo,</li> <li>▪ Cristu Rei,</li> <li>▪ Metinaro, Nain</li> <li>▪ Feto,</li> <li>▪ Veira Cruz</li> </ul>	Benefisiáriu ne'ebé la mai simu subsidiu agregadu familia		Benefisiáriu sira ne'e naran mosu iha lista aprovadu, maibé sira la-apresenta-an atu simu subsidiu agregadu familia. CAC prezume katak sira rasik konsiente tanba sira la elejível tuir DL 15/2020.
		✓ Hera	418	
		✓ Komoro	230 <sup>1</sup>	
		✓ Bebonuk	170	
		✓ Bairro-Pite Aldeia Rio de Janeiro	33	
		<b>Totál:</b>	<b>851</b>	
		Funسیونáriu públiku ho rendimentu mensal superior husi US\$500:		
		✓ Hera	9	
		✓ Bebonuk	20	
		✓ Bairro-Pite	6	
✓ Fatuhada	6			
✓ Comoro	3			
				Ekipa kordena ho autoridade no MSSSI hodi kansela benefisiáriu hirak-ne'e no balun voluntariamente deklarada katak sir la iha direitu no entrega fali osan ba autoridade lokál no ekipa MSSSI.

<sup>1</sup>Rezultadu relatóriu monitorizasaun no deskobremetu husi ekipa sosiedade sivil (JSMP). Tuir observador JSMP katak benefisiáriu hirak ne'e, deside lasimu subsidiu ne'e tanba intervensaun sira husi CAC liu husi media no instituisaun relevante sira no movimentu sira hamutuk ho sosiedade sivil.

		✓ Lahane	1	
		<b>Totál</b>	<b>45</b>	
		Benefisiáriu ne'ebé naran mosu iha fatin seluk		Ekipa kordena ho autoridade lokál no MSSI hodi kansela benefisiáriu ne'ebé simu ona iha fatin seluk;
		✓ Madohi	1	
		✓ Comoro	1	
		✓ Kuluhun	1	
		✓ Metinaro	17	
		✓ Bairo-pite	2	
		✓ Fatuhada	3	
		<b>Totál</b>	<b>25</b>	
		Benefisairu ne'ebé lista doubru Suku Madohi	3 <sup>2</sup>	Benefisiáriu (feen-laen) rejistu ho kartaun fixa familiar ketak-ketak iha aldeia/suku ida
		Funionáriu públiku ho rendimentu mensal superior husi US\$500.	40	Benefisiáriu sira ne'e la priense rekezitu tuir DL 15/2020, 30 de Abril.
		<b>Totál Suku: 8</b>		
7	BOBONARO: <ul style="list-style-type: none"> <li>▪ Maliana Vila,</li> <li>▪ Balibo,</li> <li>▪ Atabae,</li> <li>▪ Cailaco no</li> <li>▪ Bobonaro</li> </ul>	Benéfiáriu ne'ebé naran iha lista doubru iha fatin ka (suku) ida	34	Ekipa identifika no kansela benefisiáriu sira ho lista doubru ka iha fatin rua atu simu deit iha fatin ida.
		Funionáriu públiku ho rendimentu mensal superior husi US\$500.	2	Ekipa identifika no kordena ho autoridade lokál no ekipa MSSI hodi kansela pagamantu ba benefisiáriu sira ne'e.
	Totál Suku: 20			
8	BAUCAU: <ul style="list-style-type: none"> <li>▪ Baguia no</li> <li>▪ Baucau Vila</li> <li>▪ Trilolo</li> </ul>	Juventude ne'ebé simu ona subsidu agregadu familiar maske la priense rekizitu	1	Ekipa kordena ho autoridade lokál no MSSI atu kansela juventude ida ho idade 15, neebé hetan karta deklarasaun no autorizasaun hodi hetan subsidu maske nia sedauk forma uma kain.
		Funionáriu públiku ho rendimentu mensal superior husi US\$500.	2 <sup>3</sup>	Benefisiáriu deside la simu subsidu ne'e tanba konsiente katak sira la iha direitu bazeia ba informasaun sira ne'ebé sira akompaña liuhsi media elektronika no media sosial

<sup>2</sup> Rejultadu relatóriu monitorizasaun no dekokbrentu husi JSMP.

<sup>3</sup> *Idem*

				sira.
		Benefisiáriu naran mosu iha fatin seluk.	1	Ekipa kordena ho autoridade lokál no MSSI atu kansela pagamentu ba benefisiáriu ne'e.
	Totál Suku: 3			
9	RAEOA : <ul style="list-style-type: none"> <li>▪ Pantemakasar</li> <li>▪ Oesilo</li> <li>▪ Pasabe</li> <li>▪ Nitibe</li> </ul>	Benefisiáriu ne'ebé naran mosu iha fatin seluk.	440	Benefisiáriu mosu iha fatin seluk hanesan iha RAEOA no Dili no ekipa kordena ho autoridade atu kansela pagamentu ba sira ne'ebé naran sai ona/simu ona iha Dili.
		Benefisiáriu ho estatutu joven maibé naran sai iha lista aprovalu.	1	Ekipa identifika no kansela tanba la elejível tuir lei.
		Funionáriu públiku ho rendimentu mensal superior husi US\$500.	37	Ekipa kordena ho autoridade sira hodi kansela kedas pagamentu ba benefisiáriu hirak ne'e.
		Benefisiriu sira devolve fali osan ho konsiensia rasik	6	Funionáriu ho rendimentu superior husi US\$500 no inklui emprezariu 1 devolve fali osan tanba sira ninia rendimentu aas liu US\$500.
		Benefisiáriu lista dobru iha fatin ida (suku) ida	11	Benefisiáriu hirak neé kanseladu tanba ekipa halo kordenasaun servisu ho autoridade sira
		Benefisariu ho estatutu nu'udar sidadaun estranjeiru.	2	Ekipa trava ka kansela benefisiáriu ema estranjeiru.
		Benefisiáriu ne'ebé autoridade lokál la koñese	1	Ekipa kordena ho autoridade atu suspende/kansela pagamentu
		Totál Suku: 18		
10.	<b><i>Totál benefisiáriu ne'ebé ekipa kansela atu asesu ba subsidiu agregadu familiar ne'e hamutuk:</i></b>		<b>1927</b>	
11.	<b><i>Totál orsamentu estimativa ne'ebé ekipa konsege trava:</i></b>		<b>U\$385.400.00</b>	

**Tabela 2: Benefisiáriu sira ne'ebé ekipa la konsege trava/kansela pagamentu**

Nu.	Munisípiu	Faktu ho Indisius Krime	Total	Observasaun
1.	Ermera	Funionáriu públiku ne'ebé rendimentu boot/aas-liu US\$500.00 maibé sira simu liutiha ona subsidiu agregadu familiar ne'e.	9	Benefisiáriu sira ne'ebé konsege foti/simu liu tiha ona subsidiu agregadu familia, maske sira hatene katak sira la iha direitu.
2	Liquica	Funionáriu públiku ho rendimentu mensal superior husi US\$500, maibé simu liutiha ona	3	Ekipa identifika benefisiáriu nain 3 iha Liquica maibé sira

		subsidiu agregadu familiar ne'e.		konsege simu tiha ona subsidiu ne'e.
3.	Aileu	Benefisiáriu naran doubru ne'ebé simu tiha ona iha fatin seluk	9	Benefisiáriu sira ne'e simu tiha ona no ekipa lakonsege trava.
4	Bobonaro	Benefisiáriu laiha dokumentus komprovadu maibe hetan pagamentu ba subsidiu agregadu familia	86	Benefisiáriu sira halo karta deklarasaun ho autoridade lokál hodi autoriza benefisiáriu sira simu subsidiu agregadu familiar.
5.	Dili	Benefisiáriu laiha dokumentus komprovadu maibé asesu ba pagamentu ba subsidiu agregadu familiar ne'e.	40	Benefisiáriu husi Suku Fatuhada Aldeia 03, CAC verifika benefisiáriu 95 laiha dokumentu komprovativu hanesan fixa familiar no kartaun eleitoral, maibé autoridade lokál halo deklarasaun hodi autoriza benefisiáriu nain 40 simu subsidiu ne'e.
6	Dili	Funionáriu ho rendimentu superior husi US\$500 maibé simu liu tiha ona.	1	Benefisiáriu ne'e nu'udar Diretór Finansas iha STATAL
<b>8.</b>	<b>Total Benefisiáriu</b>		<b>148</b>	Benefisiáriu hirak ne'e mak simu tiha ona subsidiu maibe ekipa la konsege trava.
<b>9.</b>	<b>Total orsamentu</b>		<b>US\$29.600</b>	Total orsamentu ne'ebé ekipa lakonsege trava/prevene.

## VI. Observasaun Jerál

Independemente husi deskobremetu detalladu sira iha leten, ekipa observador sira mós deskobre kestaun baziku maibé fundamental ne'ebé rezulta infrasaun no inkumprimentu ba rekizitus sira ne'ebé lei estabelese. Ekipa deskobre katak;

1. Servisu verifikasaun dados husi MAE, MSSJ no Seguransa Sosial la-halao ho kuidadu, profunda no rigor tanba lista benefisiáriu barak mak lakon, doubru no funsionáriu sira ho saláriu superior husi US\$500.00 lakonsege deteta husi sistema.
2. Instalasaun dados benefisiáriu iha tablet la diak, tanba instala deit lista benefisiáriu iha suku ida ne'ebé lakobre lista jerál nivel teritoriu nasionál, tanba ne'e rezulta ekipa sira labele deteta benefisiáriu ho naran doubru, inklui sira ne'ebé simu iha fatin rua ka liu.
3. Laiha kordenasaun diak entre Ministériu relevante sira hodi ida-idak hala'o nia knaar no kompetensia. Purzemplu Ministériu saúde la marka prezensa atu ezerse nia knaar

no halo esplikasaun kona-ba protokolu distansiamentu sosial no prevensaun ba covid-19.

4. MAE, MSSl no MF la halo kordenasaun diak no hola medidas adekuadu no urjente, bainhira hetan informasaun katak funsionáriu sira ne'ebé rendementu mais US\$500 naran sai nu'udar benefisiáriu iha fatin barak;
5. Ladun iha koñesimentu adedukada husi pesoal ekipa tekniku sira balun kona-ba utilizaun tablet, ne'ebé rezulta servisu pagamentu sira atraza no naran benefisiáriu balun lakon no tenke persiza rejistu fila-fali. Aleinde ne'e, autoridade lokál sira seidak entende didiak ka iha multi-nterpretasaun ba DL. Nu.15/2020 kona-ba definisaun ba uma-kain ka elementu husi uma-kain ida ne'ebé iha direitu loloos atu hetan subsidiu agregadu familiar.
6. Prosesu pagamentu kleur tanba pesoal pagamentu hala'o funsaun dupla (halo verifikasaun no halo pagamentu) dala-ida.
7. Iha benefisiáriu sira naran sai iha lista ho numeru boot maibé benefisiariu sira la mai apresenta an atu asesu ba subsidiu agregadu familiar ne'e. Ida-ne'e hatudu indisius forte kona-ba potencia falsifikasaun ba dadus agregadus familiar sira.
8. Autoridade lokál sira permite ka simu rejistu ba benefisiáriu foun hanesan lista reklamantes durante prosesu pagamentu lao hela. Ida-ne'e rezulta lista reklamantes sira aumenta esesivamente (*berlebian*). Tuir dadus husi MSSl totál reklamante husi munisípiu 12 inklui RAEOA hamutuk 14.175.
9. Iha indisius katak veikulu (privada) sira ne'ebé Governu kontrata husi empreza privada nia perfil no lisensiamentu husi SERVE, IP, la'os atu fó-aluga veikulu, maibé nia lisensa atu halo atividade ekonomiku hodi faan motosiklus, pesa no asesoris, manuntensaun no reparasaun motorla. Ida-ne'e potensialmente hatudu indisiuis favoritismu/familiarismu iha prosesu selesaun no desizaun.

## VII. Dezafiu sira

Mesmu rekoñese katak politika Governu ba prevensaun surtu/pandemia Covid-19 liuhusi apoiu monetáriu agregadus familiar ne'e importante no partinente, maibé politika ne'e la liu husi prosesu estudu ida klean nune'e rezulta situasaun sira ne'ebé konsidera hanesan dezafiu ne'ebé hamosu prejuízu signifkativamente ba estadu. Tanba ne'e, durante implementasaun ekipa Konjunta identifika dezafiu sira hanesan tuir mai neé:

1. Sistema baze-de-dadus husi MAE no MSSl la organizadu no sistemátiku nune'e, difikulta ekipa halo intervensaun ba pagamentu subsidiu agregadu familiar ne'e.
2. Seidak halo sosializasaun no sensibilizasaun ida adekuada ba Dekretu Lei nu 15/2020 ba comunidade no autoridade sira tanba neé hamosu konfuzsaun no multi interpretasaun iha terrenu.
3. Instituisaun seguransa sosiál la dun iha sistema apropiadu hodi identifika benefisiáriu sira ho rendimentu superior US\$500.00.
4. Autoridade lokál no komunitaria sira iha tendensia hodi ignora rekizitus legais no la kopera ho ekipa Konjunta atu prevene manipulasaun ba benefisiáriu sira.
5. Rekursus finanseiru no funsionariu husi CAC, PDHJ no IGE limitadu teb-tebes nune'e difikulta ekipa halo monitorizasaun no kobertura ne'ebé abranje ba suku hotu-hotu iha teritoriu nasionál hodi minimiza risku korrupsaun.
6. Estadu Emerjensia fó implikasaun ba implementasaun ba programa refere ladun efetivu.

## VIII. Pratika diak sira

Embora problema no kompleksidade sira iha leten, ekipa observador sira mós deskobre pratika diak balun durante implementasaun subsidiu agregadu familiar, hirak-ne'e inklui:

1. Iha benefisiáriu balun ne'ebé hetan vensimentu mensal liu US\$500.00 ho voluntariamente desidi hodi lasimu no balun simu ona desidi hodi devolve osan refere.
2. Benefisiáriu balun ne'ebé naran dobru sai iha fatin rua ka liu deside ho voluntariamente atu simu iha fatin ida deit, no balun ne'ebe mak simu dobru ho voluntariamente intrega/devolve fila osan ba ekipa pagamentu;
3. Diretór Geral MSSI manifesta koperasaun no kolaborasaun ida diak tebes hodi fornese informasaun no hola desizaun nesesariu durante implementasaun subsidiu agregadu familiar;
4. Diresaun Nasional Pagamentos (Direcção Geral do Tesouro), Ministerio Financas (DGT, MF), facilita no fornese informasaun relevante sira kona-ba lei no regulamentu sira nomós lista funsióriu publiku sira ne'ebé saláriu mensal superior husi US\$500;
5. Xefe Suku balun komunika ba malu, relasiona ho lista dobru entre suku ida ho suku seluk hodi desidi halo pagamentu no kanselamentu ba benefisiáriu sira refere;
6. Iha iniciativa diak husi benefisiáriu balun atu informa ba ekipa observador sira hodi halo intervensaun ba infrasaun sira ne'ebé akontese iha fatin ka suku sira;
7. Iha suku balun kumpri distansiamentu sosial inklui ho preparasaun relevante sira hanesan sanitasaun no sel-seluk tan.

## IX. Rekomendasaun

Bazeia ba deskobrementu no preukupasaun sira iha leten, CAC rekomenda ba ministério relevante no instituisaun tutela sira atu hola medidas administrativa ba infrasaun administrativa sira no sei prosesu kazu sira seluk ne'ebé hatudu indisius ba krime konsumadu sira.

1. MSSI no autoridade responsável sira atu halo deit pagamentu ba lista reklamente sira ne'ebé rejista to'o 30 Marsu 2020 tuir lei haruka no esklui reklamentes foun sira ne'ebé foin rejista durante períodu pagamentu tanba lista hirak ne'e potencialmente falsa ka la liuhusi prosesu verifikasaun ida profunda;
2. MAE no MSSI atu halo publikasaun no anuncia ba lista reklamantes admitidus sira ba pagamentu tuirmai durante lora 15 antes halo pagamentu hodi permite reklamasaun ruma ba dadus/lista sira ne'ebé la elejível ka indikasaun sira seluk.
3. MAE no autoridade kompotente sira presiza atualiza baze-de-dados periodikamente (kada tinan) atu bele asegura baze-de-dados agregadu familiar sira atualizadu hodi mitiga potencia dadus falsa sira iha futuru;
4. MAE atu hola medida ida rigorozu ba autoridade lokál no komunitaria sira ne'ebé intensionalmente la kumpri sira nia dever nu'udar autoridade no representante Governu nian iha baze;
5. MSSI, MAE no Ministériu Financas atu fó adverténsia ba funsióriu sira ne'ebé saláriu mensal superior husi US\$500 maibé kontinua simu subsidiu ne'e atu devolve fali osan ne'e ba kofre estado ho voluntariamente iha prazu sira razoável. Bainhira funsióriu hirak ne'e la kumpri sei loke prosesu investigaasun tuir lei;
6. MSSI no MAE atu halo verifikasaun klean ba reklamante subsidiu agregadu familiar sira tanba tuir observaun Ekipa Konjunta iha indisius forte katak reklamante sira ne'e sei ho idade joven no seidak forma uma-kain.
7. MSSI no MAE atu halo verifikasaun klean ba reklamante benefisiáriu sira ne'ebé naran dobru, naran mosu iha fatin seluk, no benefisiáriu sira ne'ebé nu'udar feen-laen maibé rejistu iha fatin ket-ketak, benefisiáriu estranjeiru sira;

8. MSSI no MAE atu fó prioridade aas ba ema ho difisiente sira, idozus no graves no inan ho labarik sira;
9. MSSI no MAE atu halo verifikasaun klean ba benefisiáriu reklamante sira nia dokumentus komprovativu sira hanesan kartaun elitoral, BI no fixa familia.
10. MSSI fó prioridade ba rekursu estadu hanesan utiliza veikulu estadu nian envesde aluga fali veikulu privada sira ne'ebé implika ba kustu ka gastus ne'ebé la nesesariu no kompañia privada hirak ne'e ninia profile mós la klaru no potensialmente iha indisius favoritizmu/familiarizmu iha prosesu selesaun no desizaun sira.
11. Ba kazu infrasaun sira ne'ebé envolve autoridade lokál no autoridade relevante sira sei halo averiguasaun no apuramentu hodi prosesu tuir lei haruka depoisde dokumentu sira rekolla hotu.

